

于湖詞三卷

張孝祥

序

昔東坡見少遊上巳遊金明池詩有簾幕千家錦繡垂之句曰學士又入小石調矣世人不察便謂其詩似詞不知坡之此言蓋有深意夫鏤玉雕瓊裁花翦葉唐末詞人非不美也然粉澤之工反累正氣東坡慮其不幸而溺乎彼故援而止之惟恐不及其後元祐諸公嬉弄樂府寓以詩人句法無一毫浮靡之氣實自東坡發之也于湖紫微張公之詞同一關鍵始公以妙年射策魁天下不數歲入直中書帝將大用之未幾出守四郡多在三湖七澤間何哉衡謂茲地自屈賈品題以來唐人所作不過柳枝竹枝詞而已豈□以物色分留我公要與大江東去之詞相爲雄長故建牙之地不於此而於彼也歟建安劉溫父博雅好事於公文章翰墨尤所愛重片言隻字莫不珍藏既哀次爲法帖又別集樂府一編屬予序之以冠其首衡嘗獲從公游見公平昔爲詞未嘗著稿筆酣興健頃刻卽成初若不經意反復究觀未有一字無來處知歌頭凱歌登無盡藏岳陽樓諸曲所謂駿發踔厲寓以詩人句法者也自仇池仙去能繼其軌者非公其誰與哉覽者擊節當以予爲知言乾道辛卯六月望日陳郡湯衡撰

于湖先生雅詞序

蘇明允不工於詩。歐陽永叔不工於賦。曾子固短於韻語。黃魯直短於散語。蘇子瞻詞如詩。秦少游詩如詞。才之難全也。豈前輩猶不免耶。紫薇張公孝祥。姓氏風雷於一世。辭彩日星於郡國。其出入皇王。縱橫禮樂。固已見於萬言之陞對。其判花視草。演絲爲綸。固已形於尺一之詔書。至於託物寄情。弄翰戲墨。融取樂府之遺意。鑄爲毫端之妙詞。前無古人。後無來者。散落人間。今不知其幾也。比遊荆湖間。得公于湖集。所作長短句。凡數百篇。讀之泠然灑然。真非煙火食人辭語。予雖不及識荆。然其瀟散出塵之姿。自在如神之筆。邁往凌雲之氣。猶可以想見也。使天假之年。被之聲歌。薦之郊廟。常與英莖韶濩。間作而遞奏。非特如是而已。一日。鳳鳥去。千年梁木摧。予深爲公惜也。于湖者。公之別號也。昔陳季常晦其名。自稱爲龍邱子。嘗作無愁可解。東坡爲之序引。世之不知者。遂以龍邱爲東坡之號。予故表而出之。乾道辛卯仲冬朔日。建安陳應行季陸序。

于湖詞目錄

卷一

六州歌頭一調

念奴嬌三調

蕩山溪一調

鵲橋仙二調

桃源憶故人一調

水調歌頭三調

木蘭花慢二調

鷓鴣天二調

西江月三調

醉落魄一調

滿江紅三調

雨中花慢一調

菩薩蠻二調

憶秦娥三調

卷二

水調歌頭十調

定風波一調

水龍吟二調

訴衷情一調

虞美人四調

菩薩蠻六調

二郎神一調

念奴嬌二調

木蘭花一調

多麗一調

鷓鴣天十二調

鵲橋仙五調

生查子一調

浣溪沙九調

滿江紅一調

雨中花一調

蝶戀花一調

眼兒媚一調

踏莎行六調

臨江仙二調

卷三

浣溪沙九調

西江月七調

減字木蘭花六調

宋六十名家詞

二

憶秦娥一調	浣溪沙二調	柳梢青一調
醜奴兒四調	點絳脣二調	卜算子二調
南歌子二調	望江南二調	柳梢青二調
鳳樓梧一調	瑞鷓鴣一調	青玉案一調
南鄉子一調	清平樂三調	霜天曉角一調
歸梧謠三調	醜奴兒一調	蝶戀花一調
念奴嬌二調	拾翠羽一調	蝶戀花二調
踏莎行一調	漁家傲一調	夜遊宮一調
鷓鴣天三調	菩薩蠻六調	南歌子一調
鷓鴣仙一調	燕歸梁一調	訴衷情一調
浣溪沙三調	卜算子一調	點絳脣二調
西江月三調	水調歌頭二調	

于湖詞卷一

宋 張孝祥

六州歌頭 （此調或作三疊，亦羶腥止第一段，且休兵止第二段。）

長淮望斷，開塞莽然平。征塵暗，霜風勁，悄邊聲。黯銷凝。追想當年事，殆天數，非人力。洙泗上，絃歌地，亦殫腥。隔水氈鄉，落日牛羊下，區脫縱橫。看名王宵獵，騎火一川明。笳鼓悲鳴，遣人驚。念腰間箭，匣中劍，空埃蠹，竟何成。時易失，心徒壯，歲將零。渺神京，干羽方懷遠，靜烽燧，且休兵。冠蓋使，紛馳騖，若爲情。聞道中原遺老，常南望，翠葆霓旌。使行人到此，忠憤氣填膺，有淚如傾。

水調歌頭 （凱歌寄湖南安撫劉舍人）

猩車嘯篁竹，玉帳夜分弓。少年荆楚劍客，突騎錦襜紅。千里風飛雷厲，四校星流彗掃，蕭斧挫春蔥。談笑青油幕，日奏捷書同。詩書帥，黃閣老，黑頭公。家傳鴻寶祕略，小試不言功。聞道璽書頻下，看卽沙隄歸去，帷幄且從容。君王自神武，一舉朔庭空。

又 （舟過金山寺，或作詠月，或刻碑于蒼）

江山自雄麗，風露與高寒。寄聲月姊，借我寶鑑此中看。幽壑魚龍悲嘯，倒影星辰搖動，海氣夜漫漫。擁起白銀闕，危駐紫金山。表獨立，飛玉佩，整雲冠。漱冰潄雪，眇視萬里一毫端。回首三山何處，聞道羣仙笑我，要我欲俱還。揮手從此去，翳鳳更鸞鸞。

又（隱靜寺觀雨寺有碧霄泉）

青嶂度雲氣。幽壑舞回風。江神助我雄觀。喚起碧霄龍。電掣金蛇千丈。雷震靈鼉萬壑。洶洶欲崩空。盡瀉銀潢水。散入寶蓮宮。坐中客。淩積翠。看奔洪。人間應失七筇。惟我獨從容。淨洗從來塵垢。潤及無邊枯槁。造物不言功。天宇忽開霽。日在五雲東。

滿江紅（秋懷）

秋滿灘源。瘴雲靜、曉山如簇。動遠思、空江小艇，高邱喬木。策策西風雙鬢底。暉暉斜日朱闌曲。試側身、回首望京華。迷南北。思歸夢、天邊鵲。遊宦事、蕉中鹿。想一年好處。砌紅堆綠。羅帕分柑霜落齒。冰盤剝芡珠盈掬。借春纖、纓綸搗香齏。新菖熟。

又（聽雨）

斗帳高眠。寒窗靜、瀟瀟雨意。南樓近、更移三鼓。漏傳一水。點點不離楊柳外。聲聲只在芭蕉裏。也不管、滴破故鄉心。愁人耳。無似有、遊絲細。聚復散、真珠碎。天應分付與。別離滋味。破我一牀蝴蝶夢。輸他雙枕鴛鴦睡。向此際、別有好思量。人千里。

又（玩鞭亭·乾道元年正月十日）

千古淒涼。興亡事、但悲陳迹。凝望眼、吳波不動。楚山空碧。巴滇綠駿追風遠。武昌雲旆連天赤。笑老奸、遺臭到如今。留空壁。邊書靜。烽烟息。通軺傳。銷鋒鏑。仰太平天子。聖明無敵。蹙踏揚

州開帝里。渡江天馬龍爲匹。看東南佳氣鬱蔥蔥。傳千億。

念奴嬌（欲雪呈朱漕）

朔風吹雨送淒涼。天意垂垂欲雪。萬里南荒雲霧滿。弱水蓬萊相接。凍合龍岡。寒侵銅柱。碧海冰漸結。憑高一笑。問君何處炎熱。家在楚尾吳頭。歸期猶未。對此驚時節。記得年時貂帽暖。鐵馬千羣觀獵。狐兔成羣。歌鍾殷地。歸踏層城月。持杯且醉。不須北望淒切。

又（洞庭）

洞庭青草近中秋。更無一點風色。玉界瓊田三萬頃。著我扁舟一葉。素月分輝。銀河共影。表裏俱澄澈。怡然心會。妙處難與君說。應念嶺海經年。孤光自照。肝肺皆冰雪。短髮蕭騷襟袖冷。穩泛滄浪空闊。盡挹西江。細傾北斗。萬象爲賓客。扣舷一笑。不知今夕何夕。

又（離思）

星沙初下望重湖。遠水長雲漠漠。一葉扁舟誰念我。今日天涯飄泊。平楚南來。大江東去。處處風波惡。吳中何地。滿懷俱是離索。長記送我行時。綠波亭上。泣透青羅薄。檣燕低飛人去後。依舊湘城簾幕。不盡山川。無窮烟浪。辜負秦樓約。漁歌聲斷。爲君雙淚傾落。

木蘭花慢（離思。向誤作木蘭花令）

送歸雲去雁。淡寒彩滿溪樓。正佩解湘腰。釵孤楚鬢。鸞鑑分收。凝情望行處路。但疎烟遠樹。纖

離愛只有樓前溪水。伴人清淚長流。霜華夜永逼衾裯。喚誰護衣篝。念粉館重來，芳塵未掃，爭見嬉遊情知悶來殢酒。奈回腸不醉只添愁。脈脈無言竟日，斷魂雙鶯南州。

又（別情）

紫簫吹散後。恨燕子。只空樓。念璧月長虧。玉簪中折。覆水難收。青鸞送碧雲句。道霞扃霧鎖。不堪愛情與文梭共織。怨隨宮葉同流。人間天上兩悠悠。暗淚洒燈篝。記谷口園林。當時驛舍。夢裏曾遊。銀屏低閒笑語。但夢時冉冉醒時愁。擬把菱花一半。試尋高價皇州。

雨中花慢（長沙·向失慢字誤）

一葉淩波十里御風。烟鬟雨鬢瀟瀟。認得江皋玉珮。水館冰綃。秋淨明霞乍吐。曙涼宿靄初消。恨微颺不語。欲進還休。凝眸迢遙。神交冉冉愁思。盈盈斷魂。欲遣誰招。還似待青鸞傳信。烏鵲成橋。悵望胎仙翠輦。羞看翡翠蘭苕。夢回人遠。紅雲一片。天際笙簫。

暮山溪（春情）

雄風豪雨。時節清明近。簾幕起輕寒。暖紅爐笑翻灰燼。陰藏遲日。欲驗幾多長。繡工慵。圍棋倦。香篆頻銷印。茂林芳徑。綠變紅添潤。桃杏意酣酣。占前頭一番花信。華堂尊酒。但作豔陽歌。禽聲喜。流雲盡。明日春遊俊。

鷓鴣天（長沙錢劉樞密）

浴殿西頭白玉堂。湘江東畔碧油幢。北辰躔次瞻星象。南斗山川解印章。隨步武。借恩光。送君先促舍人裝。他年眞肯傳衣鉢。今日先須醉一觴。

又（春情）

日日青樓醉夢中。不知樓外已春濃。杏花未溼疎疎雨。楊柳初搖短短風。扶畫鶴。躍花驄。湧金門外小橋東。行行又入笙歌裏。人在珠簾第幾重。

菩薩蠻（舟中）

十年長作江南客。檣竿又挂西風席。白鳥去邊明。楚山無數青。倒冠仍落佩。我醉君同醉。試問識君否。青山與白鷗。

又（杏花·或作春暮）

東風約略吹羅幕。一簾細雨春陰薄。試把杏花看。溼紅嬌幕寒。佳人雙玉枕。烘醉鴛鴦錦。折得最繁枝。暖香生翠幃。

鵲橋仙

橫波滴素遙山蹙翠。江北江南腸斷。不知何處御風來。雲霧裏。攸橫鬢亂。香羅疊恨。鸞牋寫意。付與瑤臺女伴。醉時言語醒時愁。道說與醒時休看。

又（梅）

吹香成陣。飛花如雪。不那朝來風雨。可憐無處避春寒。但玉立仙衣數縷。清愁萬斛。柔腸千結。醉裏一時分付。勸君不用嘆飄零。待結子成陰歸去。

西江月（黃陵廟）

滿載一船明月。平鋪千里秋江。波神留我看斜陽。喚起鄰鄰細浪。明日風回更好。今朝露宿何妨。水晶宮裏奏霓裳。準擬岳陽樓上。

又（洞庭）

問訊湖邊春色。重來又是三年。東風吹我過湖船。楊柳絲絲拂面。世路如今已慣。此心到處悠然。寒光亭下水連天。飛起沙鷗一片。

又（爲劉樞密太夫人壽）

疇昔通家事契。卽今兩鎮交承。起居樞密太夫人。綠髮斑衣相映。乞得神仙九醞。祝教福祿千春。台星直上壽星明。長見門闌鼎盛。

憶秦娥（雪）

雲垂幕。陰風慘澹天花落。天花落。千林瓊玖。滿空鸞鷁。征車渺渺穿華薄。路迷迷路增離索。增離索。楚溪山水。碧湘樓閣。

又（梅）

梅花發。寒梢挂著瑤臺月。瑤臺月。和羹心事。履霜時節。斷橋流水聲鳴咽。行人立馬空愁絕。空愁絕。爲誰凝佇。爲誰攀折。

又（元夕）

元宵節。鳳樓相對鼇山結。鼇山結。香塵隨步。柳梢微月。多情又見珠簾揭。游人不放笙歌歇。笙歌歇。曉煙輕散。帝城宮闕。

桃源憶故人（冬飲）

朔風弄月吹銀燄。簾幕低垂三面。酒入玉肌香軟。壓得寒威斂。檀槽乍撥么絲慢。彈得相思一半。不道有人腸斷。猶作聲聲顫。

醉落魄（或誤作醉羅歌）

輕寒澹綠可人風。韻閒梳束。多情早是眉峯蹙。一點秋波。閒裏覷人毒。桃花庭院閒妝束。銅鞮誰唱大隄曲。歸來想是櫻桃熟。不道鞦韆。誰伴那人蹴。

宋六十名家詞

八

于湖詞卷一終

于湖詞卷二

水調歌頭（汪德邵作無盡藏樓於棲霞之間。取玉局老仙遺意。張安國過之。爲賦此詞。）

淮楚襟帶地。雲夢澤南州。滄江翠壁佳處。突兀起紅樓。憑仗史君胸次。爲問仙翁何在。長嘯俯清秋。試遣吹簫看。騎鶴恐來遊。欲乘風。凌萬頃。從扁舟。山高月小。霜露既降。凜凜不能留。一弔周郎羽扇。尙想曹公橫槊。興廢兩悠悠。此意無盡藏。分付水東流。

又（帥靖江作）

五嶺皆炎熱。宜人獨桂林。江南驛使未到。梅蕊透春心。繁會九衢三市。縹緲層樓疊觀。雪片一冬深。自是清涼國。不遣瘴塵侵。溪山好。青羅帶。碧玉簪。平沙細浪欲盡。陡起忽千尋。家種黃柑丹荔。戶拾明珠翠羽。簫鼓夜沈沈。莫問驂鸞事。有酒且頻斟。

又（桂林中秋作）

今夕復何夕。此地過中秋。賞心亭上喚客。追憶去年遊。千里江山如畫。萬井笙歌不夜。挾路看鼉頭。玉界湧銀闕。珠箔捲瓊鉤。馭風去。忽吹到。嶺南州。去年明月依舊。還照我登樓。樓下水明沙淨。樓外參橫斗轉。搔首思悠悠。老子興不淺。聊復少淹留。

又（過瀟湘寺）

濯足夜灘急。晞髮北風涼。吳山楚澤行盡。只欠到瀟湘。買得扁舟歸去。此事天公付我。六月下滄浪。蟬蛻塵埃外。蝶夢水雲鄉。製荷衣。紉蘭佩。把萍房。湘妃起舞一笑。撫瑟奏清商。喚起九歌忠憤。拂拭三閭文字。還與日爭光。莫遣兒輩覺。此樂未渠央。

又

艤棹太湖岸。天與水相連。垂虹亭上五年。不到故依然。洗我征塵三斗。快挹商飈千里。鷗鷺亦翩翩。身在水晶闕。真作馭風仙。望中秋。無五日。月還圓。倚闌清唱孤發。驚起壑龍眠。欲醉鵝夷西子。未辦當年功業。空繫五湖船。不用知餘事。鱸膾正甘鮮。

又（聞采石戰勝）

雪洗虜塵靜。風約楚雲留。何人爲寫悲壯。吹角古城樓。湖海平生豪氣。關塞如今風景。翦燭看吳鉤。膽喜燃犀處。駭浪與天浮。憶當年。周與謝。富春秋。小喬初嫁。香囊猶在。功業故優游。赤壁磯頭落照。澗水橋邊衰草。渺渺喚人愁。我欲乘風去。擊楫誓中流。

又

天上掌綸手。闔外折衝才。發蹤指示平蕩。全楚息氛埃。緩帶輕裘多暇。燕寢森嚴兵衛。香篆幾徘徊。褰袴見歌詠。桃李藉栽培。紫泥封天筆。潤日邊來。趣裝入覲行矣。歸去作鹽梅。祖帳不須遮道。看取眉間一點喜氣。入尊罍。此去沙隄路。平步上三台。

又

隆中三顧客。圯上一編書。英雄當日感會。餘事了寰區。千載神交二子。一笑渺然於世。卻願駕柴車。常憶淮南岸。耕釣混樵漁。忽扁舟。凌駭浪。到三吳。綸巾羽扇。笑容與列仙如。豈爲蓴羹鱸膾。便挂衣冠神武。此興渺江湖。學酒對明月。高曳紫霞裾。

又(送謝倅之臨安)

客裏送行客。常苦不勝情。見公秣馬東去。底事卻欣欣。不爲青氈俯拾。自是公家舊物。何必更關心。且喜謝安石。重起爲蒼生。聖天子。方側席。選豪英。日邊仍有知己。應刻薦章間。好把文經武略。換取碧幢紅旆。談笑掃胡塵。勲業在此舉。莫厭短長亭。

又(送劉帥趙朝)

鼉鼓禁輟頗收。熊軾賴龔黃。一時林莽千險。蠡午要驅攘。金版云韜初試。煙斂山空野迴。低草見牛羊。旒纁釋南顧。戈甲濯銀潢。玉書下。褒懿績。促曹裝。帝衷天近。紅旆東去。帶朝陽。登輔五雲丹陛。迴首楚樓千里。遺愛滿瀟湘。應記依劉客。曾此捧離觴。

念奴嬌(再用韻呈朱丈)

繡衣使者。度鄆中絕唱。陽春白雪。人物應須天上去。一日君恩三接。粉署香濃。宮林錦重。便把絲鉤結。片心如。水不教炙手成熱。還記嶺海相從。長松千丈。映我秋竿節。忍凍推敲清興滿。

風裏烏巾獵獵。只要東歸歸心入夢。夢泛寒江月。不因尊餽。白頭親望真切。

又（仲欽提刑仲冬行邊漫呈小詞以備鼓吹之闕）

弓刀陌上。過蠻煙瘴雨。朔雲邊雪。幕府橫騶三萬里。一把平安遙接。方丈三韓。西山八詔。慕義羞椎結。梯航入貢。路經頭痛身熱。今代文武通人。青霄不上。卻把南州節。虜馬秋肥。鵬力健。應看名王宵獵。壯士長歌。故人一笑。趁得梅花月。王春奏記。便須平步清切。

滿江紅（思歸寄柳州林守）

秋滿衡皋。煙蕪外。吳山遙碧。風乍起。蘭舟不住。浪花如席。離岸櫓聲驚漸遠。盈襟淚點淒猶滴。問此情。能有幾人知。新相識。追往事。懽連夕。經舊館。人非昔。把輕翠淺笑。細思量。紅葉題詩。誰與寄。青樓薄倖。今遺迹。但長洲茂苑。草淒淒。愁如織。

定風波

鈴索收聲夜未央。起尋花影步迴廊。莫道嶺南冬更暖。君看。梅花如雪月如霜。見說牆西歌吹好。玉人夾坐勸飛觴。老子婆娑成獨冷。誰省。自挑寒燭自添香。

木蘭花（送張魏公）

擁貔貅萬騎。聚千里。鐵衣寒。正玉帳連雲。油幢映日。飛箭天山。錦城起方面重。對籌壺盡日雅歌閑。休遣沙場虜騎。尙餘匹馬空還。那看更值春殘。斟綠醕。對朱顏。正宿雨催紅。和風換翠。

梅小香慳牙旗漸西去也。望梁洲故壘暮雲間。休使佳人斂黛。斷腸低唱陽關。

雨中花

一舸淩風斗酒。醉江。翩然乘興東游。欲吐平生孤憤。壯氣橫秋。浩蕩錦囊詩卷。從容玉帳兵籌。有當時橋下。取履仙翁。談笑同舟。先賢濟世。偶耳功名。事成豈爲封留。何況我君恩深重。欲報無由。長望東南氣王。從教西北雲浮。斷鴻萬里。不堪回首。赤縣神州。

水龍吟（過涪溪）

平生只說涪溪。斜陽喚渡秋船繫。月華未吐。波光不動。新涼如水。長嘯一聲。山鳴谷應。棲禽驚起。自顏元者後。水流花謝。當年事。無人記。須信兩賢不死。駕飛車時游此地。漫郎宅裏。與碑下。應留屐齒。酌我清尊。洗君孤憤。來同一醉。待相期把袂。清都歸路。騎鶴去。三千歲。

又（留九華作）

竹輿曉入青陽。細風涼月天如洗。峯回路轉。雲舒霧捲。了非人世。轉就丹砂。鑄成金鼎。碧光相倚。料天關虎守。箕疇龍負。開神祕。留茲地。縹緲朱幢羽衛。望蓬萊初無弱水。仙人拍手。山頭笑我。塵埃滿袂。春瑣瑤房。霧迷芝圃。昔游都記。恨世緣未了。匆匆又去。空凝佇。煙霄裏。

多麗

景蕭疎。楚江那更高秋。遠連天茫茫都是。敗蘆枯蓼汀洲。認炊煙幾家。蝸舍映夕照。一簇漁舟。

去國雖遙。寧親漸近。數峯青處是吾州。便乘取波平風靜。荃棹且夷猶。關情有。冥冥去雁。拍拍輕鷗。忽追思當年往事。惹起無限羈愁。拄笏朝來多爽氣。秉燭夜永足清游。翠袖香寒。朱絃韻悄。無情江水只東流。拖樓晚清商哀怨。還聽隔船謳。無言久。餘霞散綺。煙際帆收。

蝶戀花

漠漠飛來雙鷺玉。一片秋光。染就瀟湘綠。雪轉寒蘆花簌簌。晚風細起波紋縠。落日孤雲歸意促。小倚蓬窗。寫作思歸曲。過盡碧灣三十六。扁舟只在灘頭宿。

訴衷情（中秋不見月）

晚煙斜日思悠悠。西北有高樓。十分準擬明月。還似去年遊。揮玉斝。捲銀鉤。喚新愁。嫦娥貪共暮雨。朝雲忘了中秋。

鷓鴣天（上母夫人壽）

阿母蟠桃不記春。長沙星裏壽星明。金花羅紙新裁詔。貝葉旁行別授經。同犬子。祝龜齡。天教二老鬢長青。明年今日稱觴處。更有孫枝滿謝庭。

又（餞劉共甫）

憶昔追遊翰墨場。武夷仙伯較文章。琅函奏號銀臺省。氎筆書名御苑牆。經十載。過三湘。橫眉麗錦照傳觴。醉餘吐出胸中墨。只欠彭宣到後堂。

又（送錢使君守橫州）

舞鳳飛龍五百年。盡將錦繡裹山川。王家券冊諸孫嗣。主第笙歌故國傳。
居玉鉉。擁金蟬。祇今門戶慶綿聯。君侯合侍明光殿。且作橫槎海上仙。

又（仲欽提刑行部萬里。閱四月而後來臨轍。奉蔬果爲太夫人壽。）

去日清霜菊滿叢。歸來高柳絮纏空。長驅萬里山收瘴。徑度層波海不風。
陰德徧。嶺西東。天教慈母壽無窮。遙如今夕稱觴處。衣綵還將衣繡同。

又

楚楚吾家千里駒。老人心事正關渠。風流合是階墀玉。愛惜真如掌上珠。
紆綠綬。薦芳壺。老人還醉弟兄扶。問將何物爲兒壽。付與家傳萬卷書。

又（上元啓醮）

詠徹瓊章夜向闌。天移星斗下人間。九光到影騰青簡。一氣回春達絳壇。
瞻北闕。祝南山。遙知仙仗簇清班。何人曾侍傳柑燕。翡翠簾開識聖顏。

又

子夜封章扣紫清。五霞深裏珮環聲。驛傳風火龍鸞舞。步入煙霄孔雀迎。
瑤簡重。羽衣輕。金章雙引到通明。三湘五筦同民樂。萬歲千秋與帝齡。

又

瞻躍門前識箇人。香車油壁照雕輪。短襟衫子新來棹。四直冠兒內樣新。秋色淨。曉妝勻。不知何事在風塵。主公若也憐幽獨。帶取妖嬈上玉宸。

又

憶昔彤庭望日華。匆匆枯筆夢生花。鬱輪袍曲慙新奏。風送銀灣犯斗槎。追往事。及新瓜。飛蓬何事及蘭麻。一江湘水流餘潤。千里河隄築淺沙。

又

可意黃花人不知。黃花標格世間稀。園葵臺露迎朝日。檻菊迎霜媚夕霏。芍藥好。是金絲。綠藤紅刺引薔薇。姚家別有神仙品。似著天香染御衣。

又

割鞬難留乘馬東。花枝爭看裊長紅。衰衣空使斯民戀。綠竹誰歌入相同。回武事。致年豐。幾多遺恨在湘中。深知楚水楓林下。不似初聞長樂鐘。

又

又向荊州住半年。西風催放五湖船。來時露菊團金顆。去日池荷翦綠錢。斟別酒。扣離絃。一時賓從最多賢。今宵拚醉花迷坐。後夜相思月滿川。

眼兒媚

曉來江上荻花秋。做弄箇離愁。半竿殘日，兩行珠淚，一葉扁舟。須知此去應難遇，直待醉方休。如今眼底，明朝心上，後日眉頭。

虞美人

盧敖夫婦驂鸞侶。相敬如賓主。森然蘭玉滿尊前。案舉齊眉樂事看年年。我家白髮雙垂雪。已是經年別。今宵歸夢楚江濱。也學君家兒子壽吾親。

又

柳梢梅蕊香全未。誰會傷春意。一年好處是新春。柳底梅邊只欠那人人。憑春約住梅和柳。且待些時候。錦帆風迅綵舟來。卻放香苞嬌蕊一齊開。

又

雲消煙漲清江浦。碧草春無數。江邊幾樹夕陽紅。點點征帆吹盡夜來風。樓頭月壓章華館。我已無腸斷。斷行雙雁背人飛。織錦迴文空在寄他誰。

又

清宮初入詔華管。宮葉秋聲滿。滿庭芳草月嬋娟。想見朝明喜色動天顏。持杯滿勸龍頭客。榮遇時難得。詞源三峽瀉瞿塘。便是醉中空去也無妨。

鵲橋仙（上主管送南康酒北梨）

南州名酒。北園珍果。都與黃香爲壽。風流文物是家傳。晚血指旁觀袖手。東君消息。西山爽氣。總聚公家戶牖。舊時曾識玉堂仙。在帝所頻開薦口。

又

黃陵廟下。送君歸去。上水船兒一隻。離歌聲斷酒杯空。容易裏東西南北。重湖風月。九秋天氣。冉冉新愁如織。我家住在楚江濱。爲頻寄雙素尺。

又（吳伯承侍兒）

明珠盈斗。黃金作屋。占了湘中秋色。金風玉露不勝情。看天上人間今夕。枝頭一點。琴心三疊。算詩有消得。野堂從此不蕭疎。何日向尊前喚客。

又（邢少連送末利）

北窗涼透。南窗月上。浴罷滿懷風露。不知何處有花來。但怪底清香無數。炎州珍產。吳兒未識。天與人間獨步。冰肌玉骨歲寒時。倩閒止堂中留住。（閒止少連堂名）

又（上運使壽）

東明大士。吾家老子。是一元知非二。共移甘雨趁生朝。作萬里豐年歡喜。司空山上。長沙星裏。乞與無邊祥瑞。仙鄉日月正常春。笑人說長生久視。

踏莎行 （長莎花極小，作此詞并二枝爲伯承飲天曙兄一觴之薦）

洛下根株，江南栽種。天香國色千金重。花邊三閣建康春。風前十里揚州夢。
油壁輕車，青絲短鞵。看花日日催賓從。而今何許定王城。一枝且爲鄰翁送。

又 （別劉子思）

古木叢祠，孤舟野渡。青年與客分攜處。漠漠愁陰嶺上雲。蕭蕭別意溪邊樹。
我已北歸，君方南去。天涯客裏多歧路。須君早出瘴煙來。江南山色青無數。

又 （五月十三日夜月甚佳，戲作）

藕葉池塘，榕陰庭院。年時好月今宵見。雲鬢玉臂共清寒。冰綃霧縠誰裁翦。
寶扇遙知掩抑成。淒怨。去程何許是歸程。離腸爲我深深勸。

又

旋葺荒園，初開小徑。物華還與東風競。曲檻暉暉落照明。高城冉冉孤煙暝。
柳色金寒，梅花雪靜。道人隨處成幽興。一杯不惜小留連。歸期已理滄浪艇。

又

萬里扁舟，五年三至。故人相見尤堪喜。山陰乘興不須回。毗耶問疾誰爲對。
不樂身輕，高談心會。勿勿我又成歸計。他時江海肯相尋。綠莎青箬看清貴。

又（朱漕生朝）

桂嶺南邊。湘江東畔。四年兩見生申旦。知君心地與天通。天教仙骨年年換。便趁秋風。橫翔霄漢。相看黃紙書來喚。但令丹鼎永頻添。莫辭酒盞春無算。

菩薩蠻

（諸客往赴東鄰之集。戲作此小詞）

庭葉翻翻秋向晚。砧聲敲月催金剪。樓上已清寒。不堪頻倚闌。隣翁開社甕。喚客情應重。不醉且無歸。醉時歸路迷。

又

雪消牆角收燈後。野梅官柳春全透。池閣又東風。燭花燒夜紅。一尊留好客。欲盡闌干月。已醉不須歸。試聽烏夜啼。

又（立春）

絲金縷翠幡兒小。裁羅撚線花枝裊。明日是新春。春風生鬢雲。吳霜看點染。愁裏春來淺。只願此花枝。年年常戴伊。

又

麝蕪白芷愁煙渚。曲瓊飛捲江南雨。心事怯衣單。樓高生晚寒。雲鬟香霧溼。翠袖淒餘泣。春去有來時。春從沙際歸。

又

恰則春來春又去。憑誰說與春教住。與問坐中人。幾回迎送春。明年春更好。只怕人先老。春去有來時。願春長見伊。

又（林柳州生朝）

史君家枕吳波碧。朱門鋪手搖雙戟。也到嶺邊州。真成汗漫遊。歸期應不遠。趁得東江暖。翁媼雪垂肩。雙雙平地仙。

生查子（詠摺疊仙）

宮紗蜂趕梅。寶扇鸞開翅。數摺聚清風。一捻生秋意。搖搖雲母輕。裊裊瓊枝細。莫解玉連環。恐作飛花墜。

臨江仙（帥長沙寄靜江三故人張仲欽朱漕滕憲）

試問宜齋樓下竹。年來應長新篁。使君五嶺又三湘。舊游知好在。熟處更難忘。尙念論心舒嘯不。只今湖海相望。遙憐陰至酒尊涼。舉觴須酹我。樓外是清江。

又

罨畫樓前初立馬。隔簾笑語相親。鉛華洗盡見天真。衫兒輕罩霧。髻子直梳雲。翠葉銀絲未利。櫻桃澹注香唇。見人不語解留人。數杯愁裏酒。兩眼醉時春。

二神郎

坐中客。共千里瀟湘秋色。漸萬寶西成農事了。穠穠看黃雲阡陌。橋口橘洲風浪穩。嶽鎮簷倚天青壁。追前事。興亡相續。空與山川陳迹。南國都會繁盛。依然似昔。聚翠羽明珠三市滿。樓觀湧參差金碧。乞巧處。家家追樂事。爭要做豐年七夕。願明年強健。百姓歡娛。還如今日。

浣溪沙

只倚精忠不要兵。卷旗直入蔡州城。賊營半夜落妖星。萬旅連屯看整暇。十眉環坐卻娉婷。白麻早晚下天庭。

又（錢劉共甫）

玉節珠幡出翰林。詩書謀帥眷方深。威聲虎嘯復龍吟。我是先生門下士。相逢有酒莫辭斟。高山流水遇知音。

又

絕代佳人淑且貞。雲爲肌骨玉爲神。燭前花底不勝春。倚竹袖長寒卷翠。淩波襪小暗生塵。十分京洛舊來人。

又

行盡瀟湘到洞庭。楚天闊處數峯青。旗梢不動晚波平。紅蓼一灣紋縵亂。白魚雙尾玉刀明。

夜涼船影浸疎星。

又

只說岡山錦繡幃。忽從團扇得生枝。綳紅衫子映豐肌。
塵飛一騎憶來時。

又(瑞香)

臘後春前別一般。梅花枯淡水仙寒。翠雲裘著紫霞冠。
爲君更酌小龍團。

又(錢別鄭憲)

寶蠟燒香夜影紅。梅花枝傍錦薰籠。曲瓊低捲瑞香風。
問君歸計莫匆匆。

又(荊州約馬舉先登城樓觀塞)

霜日明霄水蘸空。鳴鞘聲裏繡旗紅。澹煙衰草有無中。
酒闌揮淚向悲風。

又(再用韻)

宮柳垂垂碧照空。九門深處五雲紅。朱衣只在殿當中。

細撚絲稍龍尾北。緩攬綸旨鳳城東。

宋六十名家詞

阿婆三五笑春風。

一六

于湖詞卷二終

于湖詞卷三

浣溪沙

六客西來共一舟。吳兒蹋浪剪輕鷗。水光山影翠相浮。
我欲吹簫明月下，略須停棹晚風頭。
從前三五到蘄州。

又

已是人間不繫舟。此心元自不驚鷗。臥看駭浪與天浮。
對月只應頻舉酒，臨風何必更搔頭。
暝煙多處是神州。

又（中秋十八客）

同是登瀛冊府仙。今朝聊結社中蓮。胡笳按拍酒如泉。
喚起封姨清晚暑，更將荔子薦新圓。
從今三五夜嬋娟。

又

日暖簾幃春晝長。纖纖玉指動桺牀。低頭佯不顧檀郎。
豈蕊枝頭雙蛺蝶，芙蓉花下兩鴛鴦。
壁間聞得唾絨香。

又（餞劉共父）

宋六十名家詞

三

射策金門記昔年。又教潘翰入陶甄。不妨衣鉢再三傳。
粉淚但能添楚竹。羅巾誰解繫吳船。捧杯猶願小留連。

又（煙州亭定夫置酒作）

澹澹湖光綠一圍。脩林斷處白鷗飛。天機雲錦蘸空霏。
乞我百弓真可老。爲公一飲醉忘歸。扁舟日日弄晴暉。

又（過臨川席上賦此詞）

我是臨川舊史君。而今欲作嶺南人。重來遼鶴事猶新。
去路政長仍酷暑。主公交契更情親。橫秋閣上晚風勻。

又（同前）

康樂亭前種此君。重來風月苦留人。兒童竹馬笑談新。
今代孟公仍好客。政成歸去眷方新。十眉環坐晚妝勻。

又

羅襪生塵洛浦東。美人春夢瑣窗空。眉山細蹙恨千重。
海上蟠桃留結子。渥洼天馬去追風。不須多怨主人公。

西江月

諸老何煩薦口。先生自簡淵衷。千年聖學有深功。妙處無非日用。已授一編圯下。卻須三顧。隆中鴻鈞早晚轉春風。我亦從君買勇。

又（同僚飲錢宜齋）

窗戶青紅尙溼。主人已作歸期。坐中賓客盡鄒枚。盛事他年誰繼。別酒深深頻勸。離歌緩緩。休催扁舟明日轉清溪。好月相望千里。

又

不識平原太守。向來水北山人。世間功業漫虧成。華髮蕭蕭滿鏡。幸有田園故里。聊分風月。江城西波西畔晚波平。袖手時來照影。

又（代口口宣教上母夫人壽）

慈母行封大國。老仙早上蓬山。天憐陰德徧人間。賜與還丹七返。莫問清都紫府。長教綠鬢。朱顏年年今日綵衣斑。兄弟同扶酒盞。

又

冉冉寒生碧樹。盈盈露溼黃花。故人玉節有光華。高會仍逢戲馬。世事只今如夢。此身到處。爲家與君相遇更天涯。揅了茱萸醉把。

又（庚樓陪諸公飲醉甚和尚巨源任子嚴陶菴安韻呈周悅道使刻之樓上）

樓外疎星印水。樓頭畫燭烘蓮。憑高舉酒思厭厭。征路虛無指點。酒興因君開闊。山容向我增添。一鉤新月弄纖纖。濃霧花房半斂。

又

十里輕紅自笑。兩山濃翠相呼。意行著脚到精廬。借我繩牀小住。解飲不妨文字。無心更狎鷗魚。一聲長嘯暮烟孤。袖手西湖歸去。

減字木蘭花（上黃侔宅太淑人壽）

慈闈生日見說。今年年九十。戲綵盈門。大底孩兒七箇孫。人間喜事。只這一般。誰得似。願我雙親。都似君家太淑人。

又

江頭送客。楓葉荻花秋瑟瑟。絃索休彈。清淚無多怕溼衫。故人相遇。不醉如何歸得去。我自忘歸。煙滿空江月滿隄。

又

一尊留夜。寶蠟烘簾光激射。凍合銅壺。細聽冰簷夜翦酥。清秋冉冉。酒喚紅潮登玉臉。明日重看。玉界瓊樓特地寒。

又（臘月二十六日立春）

春如有意，未接年華春已至。春事還新，多得年時五日春。
春郊便綠，只向臘殘春已足。屈指
元宵，正是新春二十朝。

又（贈尼）

吹簫泛月，往事悠悠那更說。碎破琉璃，陡覺從前萬事非。
清齋淨戒，休作斷腸垂淚債。識破
囂塵，作箇逍遙物外人。

又

柳花擲柳，知道東君留意久。慘綠愁紅，憔悴都因一夜風。
輕狂胡蝶，擬欲扶持心又怯。要免
離披，不告東君更告誰。

憶秦娥

天一角，南枝向我情如昨。情如昨，水寒煙淡，霧輕雲薄。
吹花嚼蕊愁無託，年華冉冉驚離索。
驚離索，倩春留住，莫教擺落。

浣溪沙

湓浦從君已十年，京江仍許借歸船。相逢此地有因緣。
十萬貔貅環武帳，三千珠翠入歌筵。
功成去作地行仙。

又

一片西飛一片東。高情已逐落花空。舊歡休問幾時重。爲習政如刀舐蜜。掃除須著絮因風。諸君持此問龐公。

柳梢青

碧雲風月無多。莫被名韁利鎖。白玉爲車。黃金作印。不戀休呵。爭如對酒當歌。人是人非。恁麼年少。甘羅老成。呂望必竟如何。

醜奴兒

年年有箇人生日。誰是君家。誰是君家。八十慈親髮未華。棠陰閣上棠陰滿。滿勸流霞。滿勸流霞。來歲應添宰路沙。

又

十分濟楚邦之媛。此日追遊。雨霽雲收。夢入瀟湘不那愁。主人白玉堂中老。曾侍凝旒。滿酌瓊舟。卽上羲皇烟案頭。

又

珠煙璧月年時節。纖手同攜。今夕誰知。自撚梅花勸一卮。逢人問道歸來也。日日佳期。管有來時。趁得收燈也未遲。

又

無雙誰似黃郎子。自鄮無譏。月滿星稀。想見歌場夜打圍。畫眉京兆風流甚。應賦蜉蝣楊柳。依依何日文簫共駕歸。

點絳脣

綺燕高張。玉潭月麗玻璃滿。旆霞行卷。無復長安遠。夏木陰陰。路裊薰風轉。空留戀。細吹銀管。別意隨聲緩。

又

四到蘄州。今年更是逢重九。應時納佑。隨分開尊酒。屢舞婆娑。醉我平生友。休回首。世間何有。明月疎疎柳。

卜算子

雪月最相宜。梅雪都清絕。去歲江南見雪時。月底梅花發。今歲早梅開。依舊年時月。冷豔孤光照眼明。只欠些兒雪。

又

萬里去擔登。誰識新豐旅。好事些兒說與郎。奴是姮娥侶。若到廣寒宮。但道奴傳語。待我仙郎折桂枝。揀箇高枝與。

南歌子（上吳提宮壽）

宋六十名家詞

八

人物義皇上。詩名沈謝間。漫郎元是漫爲官。醉眼瞢騰只擬看湘山。小隱真成趣。鄰翁獨往還。野堂梅柳尙春寒。且趁華燈頻泛酒船寬。

又

曾到蘄州否。人人說使君。使君才具合經綸。小試邊城。早晚上星辰。佳節重陽近。清歌午夜新。舉杯相屬莫辭頻。後日相思我已行人。

望江南（題南岸銓德觀）

談子醉。獨立睨東風。未試玉堂揮翰手。只今楚澤釣魚翁。萬里舉杯空。謀一笑。與君同。身老南山看射虎。眼高四海看飛鴻。赤岸晚潮通。

又

朝元去。深殿扣瑤鍾。天近月明黃道冷。參回斗轉碧霄空。身在九光中。風露下。環珮響丁東。玉案燒香綵翠鳳。松壇移影動蒼龍。歸路海霞紅。

柳梢青（蔣文舉兄趙朝錢文茹橫槎宗文如古藤孝祥置酒作別賦此以侑尊）

滿城風雨。重陽時節。更催行色。隴樹寒輕。海山秋老。清愁如織。一杯莫惜留連。我亦是天涯倦客。後夜相思。水長山遠。東西南北。

又

草底蛩吟。煙橫水際。月澹松陰。荷動香濃。竹深涼早。銷盡煩襟。髮稀渾不勝簪。更客裏吳霜暗侵。富貴功名。本來無意。何況如今。

鳳棲梧

畫戟游閑刀入鞘。安石榴花。影落紅闌小。似勸先生須飲酎。枕中鴻寶微傳妙。袞袞鋒車還急詔。滿眼瀟湘。總是恩波渺。歸去槐庭思楚嶠。舳舻月曉期分照。

瑞鷓鴣

香珮潛分紫繡囊。野塘波急折鴛鴦。春風灞岸空回首。落日西陵更斷腸。雪下哦詩憐謝女。花間爲令勝潘郎。從今千里同明月。再約圓時拜夜香。

青玉案（送賴統轄行）

相春堂上聞鶯語。正花柳芳菲處。有底尊前權且舞。滿堂賓客。紫泥丹詔。袞袞煙霄路。君王天縱資仁武。要尺籬平驕虜。思得英雄親賀取。將軍行矣。九重虛寧。談笑清寰宇。

南鄉子（刑監廟餞送朱太傅張直閣阻雨賦此詞）

江上送歸船。風雨排空浪拍天。賴有清尊澆別恨。淒然。寶蠟燒花看吸川。楚舞趁湘絃。暖響圓春錦帳氈。坐上定知無俗客。俱賢。便是朱張與少連。（少連謂刑監廟）

清平樂

光塵撲撲。宮柳低迷綠。鬪鴨闌干春詰曲。簾額微風繡蹙。碧雲青翼無憑。困來小倚雲屏。楚夢未禁春晚。黃鸝猶自聲聲。

又

向來省左。謀國參伊呂。暫借良儔匪再舉。談笑肅清三楚。良辰上客徜徉。奏篇欲記傳香。此日一尊相屬。它時同在巖廊。

又（詠梅）

吹香嚼蕊。獨立東風裏。欲凍雲驕天似水。羞殺天桃穠李。如今見說闌干。不禁月冷霜寒。嶺上驛程人遠。城頭戍角聲乾。

霜天曉角

柳絲無力。冉冉縈柔碧。繫我船兒不住。楚江上。曉風急。棹歌休怨抑。有人離恨極。說道歸期不遠。剛不信。淚偷滴。

歸梧謠（送劉耶）

歸。十萬人家兒樣啼。公歸去。何日是來時。

又

歸。獵獵薰風捲繡旗。攔教住。重舉送行杯。

又
歸數得宣麻拜相時。秋前後。公袞更萊衣。

醜奴兒

伯鸞德耀賢夫婦。見說宜家。見說宜家。庭砌森森長玉華。天公遣注長生籍。服日飡霞。服日飡霞。壽紀應須海算沙。

蝶戀花

君泛仙槎銀海去。後日相思。地角天涯路。草草杯盤深夜語。冥冥四月黃梅雨。莫拾明珠并翠羽。但使斯民。愛我如慈母。待得政成民按堵。朝天衣袂翩翩舉。

念奴嬌

海雲四歛。太清樓極目。一天秋色。明月飛來雲霧盡。城郭山川歷歷。良夜悠悠。西風嫋嫋。銀漢冰輪側。雲霓三弄。廣寒宮殿長笛。偏照紫府瑤臺。香籠玉座。翠靄迷南北。天上人間凝望處。應有乘風歸客。露滴金盤。涼生玉宇。滿地新□白。壺中清賞。畫簷高掛。虛碧。

又

風帆更起。望一天秋色。離愁無數。明日重陽尊酒裏。誰與黃花爲主。別岸風煙。孤舟燈火。今夕知何處。不如江月。照伊清夜同去。船過采石江邊。望夫山下。酌水應懷古。德耀歸來雖富貴。

忍棄平生荆布。默想音容。遙憐兒女。獨立衡皋暮。桐鄉君子。念予憔悴如許。

拾翠羽

春入園林。花信總諸遲速。聽鳴禽稍遷喬木。天桃弄色。海棠芬馥。風雨霽。芳徑草心頻綠。禊事纔過。相次禁煙追逐。想千歲楚人遺俗。青旗沽酒。各家炊熟。良夜遊。明月勝燒花燭。

蝶戀花（秦樂家賞花）

爛爛明霞紅日暮。黯黯輕雲。皓月光初吐。傾國傾城憐無語。綵鸞祥鳳來還去。愛花常爲花留住。今歲風光。又是前春處。醉倒扶歸也休訴。習池人笑山翁語。

又

恰則杏花紅一樹。撚指來時。結子青無數。漠漠春陰纏柳絮。一天風雨將春去。春到家山須少住。芍藥櫻桃。更是尋芳處。曉院碧蓮三百畝。留春伴我春應許。

踏莎行

楊柳東風。海棠春雨。清愁冉冉無來處。曲徑驚飛蛺蝶叢。回塘凍溼鴛鴦侶。舞徹霓裳。歌殘金縷。蘼蕪白芷愁煙渚。欲識陽臺夢裏雲。細聽華表歸來語。

漁家傲（紅白蓮不可並栽。用酒盃種之。遂皆有花。呈周倅）

紅白蓮房生一處。雪肌霞豔難爲喻。當是神仙來紫府。雙稟賦。人間相見猶相妒。清雨輕煙

凝態度。風標公子來幽鷺。欲遣微波傳尺素。歌曲悞。醉中自有周郎顧。

夜遊宮（句景亭）

聽話危亭句。景芳郊迥。草長川永。不待崇岡與峻嶺。倚闌干。望無窮。心已領。萬事浮雲影。最曠闊。鷺門鷗靜。天是炎天。煙雨醒。柳陰濃。菱荷香。風日冷。

鸛鵲天

月地雲階歡意闌。仙姿不合住人間。驂鸞已恨車塵遠。泣鳳空餘燭影殘。情脈脈。淚珊珊。梅花香信隔關山。只應楚雨清留夢。不那吳霜綠易斑。

又（詠桃菊花）

桃換肌膚菊換妝。只疑春色到重陽。偷將天上千年豔。染卻人間九日黃。新豔冶。舊風光。東籬分付武陵香。尊前醉眼空相顧。錯認陶潛是阮郎。

又（送陳倅正字攝峽州）

人物風流冊府仙。誰教落魄到窮邊。獨班未引甘泉伏。三峽先尋上水船。斟楚酒。扣湘絃。竹枝歌裏意悽然。明時合下清猿淚。間日頻題采鳳牋。

菩薩蠻（西齋爲杏花寓言）

胭脂淺染雙珠樹。春風到處嬌無數。不語恨慙慙。何人思故園。故園花爛熳。笑我歸來晚。我

老只思歸。故園花雨時。

又(同文)

落霞殘照橫西閣。西橫照殘霞落。波淺戲魚多。多魚戲淺波。
手攜行客酒。酒客行攜手。腸斷九歌長。長歌九斷腸。

又(同文)

渚蓮紅亂風翻雨。雨翻風亂紅蓮渚。深處宿幽禽。禽幽宿處深。
澹妝秋水鑑。鑑水秋妝澹。明月思人情。情人思月明。

又(同文)

晚花殘雨風簾捲。捲簾風雨殘花晚。雙燕語虛窗。窗虛語燕雙。
睡醒風愜意。意愜風醒睡。誰與話情詩。詩情話與誰。

又(同文)

白頭人笑花間客。客間花笑人頭白。年去似流川。川流似去年。
老羞何事好。好事何羞老。紅袖舞香風。風香舞袖紅。

又

玉龍細點三更月。庭花影下餘殘雪。寒色到書帷。有人清夢迷。
牆西歌吹好。獨暖香閨小。多

病怯杯觴，不禁冬夜長。

南歌子（過嚴關）

路盡湘江水，人行瘴霧間。昏昏西北度嚴關。天外一簪初見嶺南山。北雁連書斷，秋霜點鬢斑。此行休問幾時還。唯擬桂林佳處過春殘。

鵲橋仙

湘江東畔，去年今日，堂上簪纓羅綺。弟兄今日拜尊前，共一笑歡歡喜喜。洛宮風月，邊城鼓角，更好親庭一醉。醉時重唱去年詞，願來歲強如今歲。

燕歸梁

風柳搖絲花纏枝，滿目韶輝。離鴻過盡百勞飛，都不似燕來歸。舊來王謝堂前地，情分獨依依。畫梁雕拱啓朱扉，看雙舞羽人衣。

訴衷情（牡丹）

亂紅深紫過羣芳，初欲減春光。花王自有標格，塵外鎖韶陽。留國豔，問仙鄉，自天香。翠帷遮目，紅燭通宵，與醉千觴。

浣溪沙（母氏生辰老者在舟中）

隱泛仙舟上錦帆，桃花春浪舞清灣。壽星相伴到人閒。黃石公傳三百字，西王母授九霞丹。

銀潢有路接三山。

又（以貢茶沈水爲齊伯壽）

北苑先春小鳳團。炎州沈水勝龍涎。殷勤送與繡衣仙。玉食向來思苦口。芳名久合上凌煙。天教富貴出長年。

又（發公安風月甚佳。明日至石首。風雨驟至。留三日。同行諸公皆有詞。孝祥用韻。）

方船載酒下江東。孤管橫時浪拍空。萬山紫翠晚雲重。擬看岳陽樓上月。不禁石首岸頭風。作牋我欲問龍公。

卜算子

風生杜若洲。日暮垂楊浦。行到田田亂葉邊。不見凌波女。獨自倚危闌。欲向荷花語。無奈荷花不應人。背立啼紅雨。

點絳脣

萱草榴花。畫堂永晝風清暑。麝團蕤黍。助泛菖蒲醑。兵辟神符。命續同心縷。宜歡聚。綺筵歌舞。歲歲酬重午。

又

秩秩賓筵。玉潭春漲玻璃滿。旆霞風卷。可但長安遠。夏木成陰。路裊薰風轉。空留戀。細吹銀

管別意隨聲緩。

西江月

風盡灘聲未已。雨來篷底先知。岸邊楊柳最憐伊。憶得扁舟曾繫。
朝霧平吞白塔。茅簷似有青旗。三杯村酒醉如泥。天色寒呵且睡。

又（以寶鼎隋人寫小字蓮經爲總得壽）

漢鑄九金神印。隋書小字蓮經。剛風切火轉青冥。護守應煩仙聖。
昨夢傳來帝所。今朝壽我親庭。只將此寶伴長生。談笑中原底定。

又（飲百花亭爲武夷樞密先生作。亭望廬山雙劍峯。爲惡竹所蔽。是夕盡伐去。）

落日鎔金萬頃。晴嵐洗劍雙峯。紫樞元是黑頭公。佳處因公愈重。
分得湖光一曲。喚回廬岳千峯。一尊今夜偶然同。早晚商巖有夢。

水調歌頭（方務德生日）

紫橐論思舊。碧落拜除新。內家敕使傳詔。親付玉麒麟。千里江山增麗。
是處旌旗改色。佳氣鬱輪囷。看取連霄雪。借與萬家春。建崇牙。開盛府。是生辰。十洲三島都向今日。祝松椿。多少活人陰德。合享無邊長壽。惟有我知君。來歲更今日。一氣轉洪鈞。

又（過岳陽樓作）

湖海倦游客。江漢有歸舟。西風千里送我。今夜岳陽樓。日落君山雲氣。春到沅湘草木。遠思渺難收。徙倚闌干久。缺月掛簾鉤。雄三楚。吞七澤。隘九州。人間好處何處。更似此樓頭。欲弔沈累無所。但有漁兒樵子。哀此寫離憂。回首叫虞舜。杜若滿芳洲。

于湖詞跋

字安國。號于湖。蜀之簡州人也。後卜居歷陽。故陳氏稱爲歷陽人。甲戌狀元及第。出自思陵親擢。故秦相孫損居其下。檜忌惡之。以事召致于獄。檜亡。上眷益隆。不數載。入直中書。惜其不年。上嘗有用不盡之歎。玉林集中與詞家選二十有四闕。評云。舊有紫薇雅詞。湯衡爲序。稱其平昔爲詞。未嘗著稿。筆酣興健。頃刻卽成。無一字無來處。如歌頭。凱歌。諸曲。駿發。蹈厲。寓以詩人句法者也。恨全集未見耳。古虞毛晉記。

宋六十名家詞